



# Ganawenindizowin: Ininaamowin

Ganawenindizowin, mii iw ezhichiged awiiya odaaked ezhilwebizid bebakaan gegoo ezhichiged.

Giishpin awiiya abinoojiinh ganawenindizod:

- Wenipanendang wiijikiiwendiniged
- Dazhiikang maanendamowin
- Mino-inenimaad nawaj epiitizinijin
- Giiwanaadizisig

## Gikinoo'amaadang o'ow

Gikinoo'amaadan onow izhichigewinan bizaani-ayaawaad abinoojiinyag. Wiindamaw ji-mikendamowaadaabajitoowaad wezhilibii'igaadeg miinawaa aabajichiganan.

### **Weweni Ininaamod: Nandomaandan waabigwan, boodaadan wese'an**

Aabajitooyan mazinaakizon owidi, wiindamaw abinoojiinyag ji-nandomaandamowaad waabigwan (imaa ojaaniwaang) miinawaa ji-boodaadamowaad wese'an (odooniwaang). Niizhwaaching izhichigewag.

### **Misadoo-ininaamowin**

Wiindamaw abinoojiinyag ji-zhingishinowaad obikwaniwaang, asaawaad awesiinyan baandashkwaanijin omisadaaniwaang. Bagidinaamowaad miinawaa ininaamowaad, wiindamaw ji-ganawaabamaawaad awesiinyensan. Wiindamaw nawaj ji-bedonaamowaad waabamaawaad awesiinyan.

## Wiidookawadwaa Abinoojiinyag Ji-ganawenindizowaad

- Wiindamaw weweni ezhichigewaad endaso-giizhig
- Waabanda' dawaaj ge-izhichigewaad gegoo
- Wiindamaw inendaman onizhishing inamanji'owaad.
- Wiidookaw inwewaad ganoodaman wiinzowinan, inamanji'owinan gaye.
- Wiindamaw inendaman nitaawichigewaad ganawenindizowaad miinawaa wiidookaw ji-bizaani-ayaawaad weweni.
- Bagidin ji-odaminowaad epiichi-apiitiziwaad.
- Wiindamaw ji-nazhike-izhichigewaad gegoo endaso-giizhig.
- Na'etoon ingoji ge-bizaani-ayaawaad gemaa anwebiwaad.

# Chi-ininaamon

Nandomaandan  
waabigwan



Boodaadan wese'an

